



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De eadem re. xlix.

urn:nbn:de:hbz:466:1-10722

Ex decr.
Calist. pa
pe, ca. 4.

Quoniam sicut alterius vxor, nec adulterari ab alio, vel iudicari aut disponi, nisi à proprio viro viuente permittitur, sic nec vxor episcopi, vel presbyteri, quæ eius Ecclesia vel parochia indubitate intelligitur, eo viuente, ab altero diiudicari vel disponi, vel eius concubitu frui permittitur. Vnde ait Apostolus: Alligata est vxor legi, quandiu vir eius viuit. Eo verò defuncto, soluta est à lege viri. Similiter & Ecclesia, quæ vxor sacerdotis dicitur, eo viuente ei alligata est. Eo verò defuncto nubat in domino, id est, regulariter. Si enim eo viuente alteri nupserit, adultera iudicabitur.

Ex epistola
Isidori

Domino sancto, meritisq; beato fratri Lantfredo episcopo, Isidorus episcopus. Perlectis sanctitatis tuis litteris, gauisus sum quòd optatam salutem tuam earum reatu cognoui. De his autè quæ in sequentibus insinuare et quæ tui sermo studuit, gratias ago Deo, quòd sollicitudinis officii pastoralis tibi impedis, qualiterq; ecclesiastica officia ordinentur perquiris. Et licet omnia prudentia sint cognita: tamen quia affectu fraterno me consulis, parte qua valeo, expediam: & de omnibus Ecclesiæ gradibus, quid ad quælibet pertineat, eloquar. Ad psalmistam pertinet officium canendi, dicere laudes, responsoria, quicquid pertinet ad cantandi peritiam. Ad ostiarium nanque pertinent clauis Ecclesiæ, vt claudat & aperiat templum Dei, & omnia quæ sunt intus, extraque custodiat, fideles recipiat, excommunicatos & infideles excipiat. Ad lectorem pertinet lectiones pronunciare, & ea quæ propheta vaticinarint populis prædicare. Ad exorcistam pertinet, exorcismos memoriter retinere, manusq; super energumenos & catechumenos in exorcizando imponere. Ad acolytum pertinet, præparatio luminarium in sacramento. Ipse cereum portat, ipse suggesta pro Eucharistia calicis præparat. Ad subdiaconum pertinet, calicem patenam ad altare Christi deferre, & leuitis tradere, et quæ ministrare: vrcecolū quoque & aquamanile, & mantergium tenere, episcopo, presbytero, & leuitis pro laudibus ante altare manibus coram præbere. Ad diaconum pertinet, assistere sacerdotibus, & ministrare in omnibus